



HAUGESUND KOMMUNE
Postboks 2160
5504 HAUGESUND

Saksbehandlar, innvalstelefon
Anne Vibeke Barkved, 5764 3117

Tildelingsbrev - stimuleringsmidlar til utviklingsprosjekt på fosterheimsområdet

Vi viser til søknad frå dykk av 30.05.2023.

Tilskotsordninga er ein del av kompetansestrategien for det kommunale barnevernet, og skal medverke til å stimulere til teneste- og tiltaksutvikling i kommunane for å styrke oppfølginga av utsette barn og familieane deira. I 2023 har Statsforvaltaren i Vestland kr 2 900 000,- i tilskotsmidlar til disposisjon til å støtte utviklingsprosjekt som er forankra i kommunale læringsnettverk på fosterheimsområdet.

Haugesund som vertskommune søkjer i samarbeid med kommunane Tysvær, Hå, Time, Utsira, Karmøy, Bokn, Sveio, Etne, Vindafjord, Sauda og Suldal om kr 500 000,- frå Statsforvaltaren i Vestland til vidareføring av prosjektet «*Styrking av fosterhjemsarbeid*». Hovudmålet med prosjektet er å styrke fosterheimsomsorga slik at ein kan redusere tal utilsikta flyttingar, og med delmål om å i større grad sikre kvaliteten på oppfølginga av den enkelte fosterheim. Det går fram av søknaden at det er sendt søknad til både Statsforvaltaren i Vestland og Rogaland, og at de har fått tilskot på 1 350 000,- frå Statsforvaltaren i Rogaland.

Prosjektet starta opp i mars 2020, og de fekk i 2019 tildelt 967 000,-, jamfør brev av 01.12.2019. De søkte om nye stimuleringsmidlar i 2020, og fekk tildelt 610 000,- (der 475 000,- vart overført frå 2020, og 135 000,- var friske midlar), jamfør brev av 23.11.2020. De søkte våren 2021 om nye stimuleringsmidlar, og fekk tildelt 237 500, jamfør brev av 23.06.2021. Våren 2022 søkte de om ytterlegare stimuleringsmidlar, og fekk tildelt 350 000,-, jamfør brev av 27.06.2022.

No søker de om midlar til lønn til prosjektleiarar, for å kartlegge kva de har av tiltak og kompetanse, og kva som er behova for å styrke fosterheimsomsorga. De skriv at prosjektleiarar vil sikre kontinuiteten i arbeidet, og målet er å ha tre prosjektleiarar frå 2024 som skal jobbe med dette prosjektet for å sikre framdrift og implementering. Fokuset i prosjektet rettes nå i større grad mot samværsutmåling og oppfølging. Statsforvaltaren si vurdering er at de har grunngeve behovet for vidareføring av dette utviklingsarbeidet godt, og vi meiner det er eit viktig prosjekt som kan ha stor overføringsverdi til andre kommunar i nettverket, både i Rogaland og Vestland. Vi vurderer at



prosjektet stettar dei vilkåra som Barne,- ungdoms og familiedirektoratet har sett for tilskotsmidlane.

Statsforvaltaren i Vestland løyver med dette kr 150 000,- til utviklingsprosjektet «*Styrking av fosterheimen*». Vi vil utbetale pengane etter at vi har motteke vedlagte skjema for stadfesting på at de aksepterer dei kriteria for løyvinga som kjem fram i dette brevet. Stadfestinga (vedlegg 1) må de sende til Statsforvaltaren **innan 01.08.2023** merka med referansenummeret **2023/210**.

Løyvinga skal nyttast til lønn til prosjektleiarar. Vi har løyvd eit mindre beløp enn det de har søkt om. Grunngevinga er at vi har mottatt søknader for eit større beløp enn vi har til rådighet, og at dette prosjektet har fått midlar i fleire år både frå Statsforvaltaren i Vestland og Rogaland. Vi meiner likevel at det er rett å gje eit tilskot som skal dekkje kostnadane for vidareføring av samarbeid med prosjektet for dei to kommunane som tilhøyrar Vestland fylke.

De kan ikkje nytte dei tildelte midlane til andre føremål. Dersom de ønskjer å omdisponere tilskotet innafor same føremål, må de avklare dette skriftleg med Statsforvaltaren på førehand.

Tilskotet må nyttast innan utgangen av 2024. Dersom løyvingane ikkje kan nyttast etter føresetnadane, skal de betale pengane attende til Statsforvaltaren. Statsforvaltaren, Barne,- ungdoms- og familiedirektoratet og Riksrevisjonen kan i samsvar med reglane i det statlege løyvingsreglementet kontrollere at løyvinga vert nytta etter føresetnadane.

Revisorattestert rekneskap, rapport om prosjektet og bruken av pengane skal de sende til Statsforvaltaren **innan 01.02.2025**. Rekneskapen må de setje opp på ein slik måte at Statsforvaltaren kan kontrollere at løyvinga er nytta i tråd med føresetnadane.

Svar på dette brevet skal de sende til vårt postmottak: svlpost@statsforvalteren.no

Praktiske spørsmål knytt til prosjektet kan de sende til kontaktperson hjå Statsforvaltaren: Bente Cecilie Foss, på e-post: bente.foss@statsforvalteren.no

Med helsing

Øystein Breirem Jacobsen
seksjonsleiar

Anne Vibeke Barkved
seniorrådgjevar

Dokumentet er elektronisk godkjent

Kopi til:

TYSVÆR KOMMUNE	Postboks 94	5575	AKSDAL
UTSIRA KOMMUNE	Postboks 63	5547	UTSIRA
TIME KOMMUNE	Postboks 38	4349	BRYNE
SULDAL KOMMUNE	Eidsvegen 7	4230	SAND
ETNE KOMMUNE	Sjoarvegen 2	5590	ETNE
HÅ KOMMUNE	Rådhusgata 8	4360	VARHAUG
SAUDA KOMMUNE	Postboks 44	4201	SAUDA



KARMØY KOMMUNE	Postboks 167	4291	KOPERVIK
BOKN KOMMUNE	Boknatunvegen 37	5561	BOKN
SVEIO KOMMUNE	Postboks 40	5559	SVEIO
VINDAFJORD KOMMUNE	Rådhusplassen 1	5580	ØLEN